

**Razvojna banka Federacije
Bosne i Hercegovine
Predsjednica Uprave**

Broj: 4603-III/23
Sarajevo, 25.04.2023. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj 4531-XI/23 od 24.04.2023. godine i člana 20. Statuta Razvojne banke Federacije Bosne i Hercegovine, u postupku nabavke robe – kancelarijskog materijala za potrebe Razvojne banke Federacije BiH, predsjednica Uprave Banke donosi

ODLUKU

o izboru najpovoljnijeg ponuđača u postupku nabavke robe - kancelarijskog materijala za potrebe Razvojne banke Federacije BiH

Član 1.

Prihvata se preporuka Komisije za nabavke iz Zapisnika o pregledu i ocjeni ponuda broj 4531-XI/23 od 24.04.2023. godine i Okvirni sporazum za nabavku kancelarijskog materijala za potrebe Razvojne banke Federacije BiH dodjeljuje se ponuđaču R&S d.o.o. Sarajevo, Igmanska b.b., Sarajevo, Vogošća, kao najpovoljnijem ponuđaču u otvorenom postupku javne nabavke.

Član 2.

Ukupna ponuđena cijena Okvirnog sporazuma iz člana 1. ove odluke, iznosi 28.942,12 KM bez PDV-a, što u konačnici, s uračunatim PDV-om, iznosi 33.862,28 KM.

Član 3.

Po okončanju roka za žalbu, Ugovorni organ će s izabranim ponuđačem zaključiti okvirni sporazum kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđačima koji su sudjelovali u ovom postupku.

Član 5.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka nabavke robe - kancelarijskog materijala za potrebe Razvojne banke Federacije BiH broj 3022-III/23 od 21.03.2023. godine, pokrenut je postupak javne nabavke predmetne robe za potrebe Razvojne banke Federacije BiH.

Javna nabavka je provedena putem otvorenog postupka javne nabavke, a kriterij za dodjelu okvirnog sporazuma je najniža cijena.

Procijenjena vrijednost nabavke iznosi 35.000,00 KM bez PDV-a.

Obavještenje o nabavci predmetne robe objavljeno je na Portalu javnih nabavki dana 22.03.2023. godine, broj obavještenja: 1011-1-1-29-3-18/23, kao i u Službenom glasniku BiH br. 20/23 od 24.03.2023.godine.

Tenderska dokumentacija objavljena je zajedno sa navedenim obavještenjem.

Odlukom Ugovornog organa o imenovanju Komisije za nabavke Razvojne banke Federacije BiH broj 3286-III/22 od 14.03.2022. godine, Odlukom o izmjeni Odluke o imenovanju Komisije za nabavke Razvojne banke Federacije BiH broj 4111-III/22 od 29.03.2022. godine, Odlukom o izmjeni Odlukom o imenovanju Komisije za nabavke Razvojne banke Federacije BiH broj 7144-III/22 od 10.06.2022. godine, imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija za nabavke u okviru svojih nadležnosti i ovlaštenja je provela predmetni postupak nabavke, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda u kojem je utvrđeno da su pravovremeno pristigle 2 (dvije) ponuda, kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	„R&S“ d.o.o. Sarajevo, Igmanska bb, Sarajevo, Vogošća	12.04.2023. godine u 08:52 h	34.971,36	0,00	34.971,36
2.	„AERO-EXCLUSIVE“ d.o.o. Sarajevo, Kolodvorska br. 12, Sarajevo	12.04.2023. godine u 09:35 h	34.597,91	0,00	34.597,91

Na osnovu izvršene analize i ocjene pristiglih ponuda, Komisija je utvrdila da su 2 (dvije) pristigle ponude prihvatljive.

S obzirom da je tačkom 24. tenderske dokumentacije predviđeno provođenje e-aukcije u skladu sa Pravilnikom o uslovima i načinu korištenja e-aukcije (Službeni glasnik BiH broj 66/16), za sve ponuđače koji su dostavili prihvatljive ponude zakazana je e-aukcija za ponedjeljak, 24.04.2023. godine s početkom u 10:00 h. E-aukcija je počela u 10:00 h, a završila u 10:23 h.

Rangiranje prihvatljivih ponuda prema kriteriju za izbor ponude nakon provedene e-aukcije:

R. br.	Ponuđač	Ukupna cijena ponude (bez PDV-a) u KM	Rangiranje
1.	„R&S“ d.o.o. Sarajevo, Igmanska bb, Sarajevo, Vogošća	28.942,12	1
2.	„AERO-EXCLUSIVE“ d.o.o. Sarajevo, Kolodvorska br. 12, Sarajevo	29.000,00	2

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz tenderske dokumentacije.

Imajući u vidu sve prethodno navedeno, a prvenstveno da je nakon pregleda i ocjene ponuda, u postupku predmetne nabavke, utvrđeno da je cijena ponude ponuđača **R&S d.o.o. Sarajevo** u iznosu 28.942,12 KM bez PDV-a prema kriteriju za izbor ponude (najniža cijena) ocijenjena najpovoljnijom, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama, odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97., 99. i 101. Zakona. Žalba se podnosi u najmanje 3 (tri) primjerka.



Predsjednica Uprave

Mersina Slipičević
Doc. dr. sci. Mersina Slipičević, dipl. oec.

Dostaviti:

- Učesnicima u postupku